

In Excessum
necdum opinatum quidem,
beatum tamen indubiè

Viri

*Et Natalibus Antiquis Clarisq;
Et vitæ integritate Præstantissimi, Spectatissimiq;*

Dn. JOHANNIS FRIDERICI Sadamer /

apud Vratislavienses
Civis atq; Mercatoris gravissimi,
iisq; Virtutibus,

*quæ Viro pariter & Cive bono
maximè videntur dignæ esse,
ornatissimi;*

qui

A. D. III. Id. Januariæ

Ann. Christi 1697.

Anno autem ætatis XLVI. currente;

catarrho apoplectico ad mortem appulsus:

A. D. XVI. Cal. Februariæ,

sepulturâ Christianâ, eaq; honoratiore
afficiebatur;

AMICORUM

& Uxori, & Socru beatè Defuncti,

Pudicissimis, præclariq; exempli Feminis,
quas hanc etiam ærumnam DEUS exsequi voluit,
piè officiosèq;

dolorem suum declarare
cupientium

CARMINA EPICEDIA.

VRATISLAVIÆ

Typis GEORGI BAUMANNI.



Epigramma Friderici Widebrami.


Vita Viatoris quasi transitus. Omnia finem,
Quæcunq; immundus mundus honorat,
habent.

Transit honos, transit fortuna; pecunia transit:
Mente DEO similis, corpore transit homo.
Transivere Patres, simul hinc transibimus omnes:
In cælo patriam qui bene transit, habet.

Leidtragenden Herzen zu Trost
ins Deutsche versetzt:

Wie ein Wanderhmann in eyl vorüber streichet/
Nicht anders/düncket mich/vergehet vñ verschleichet/
der Menschen leben auch. Ja alles was die Welt
so hoch erhebt vnd liebt/vergeht/zerbricht/vnd fällt.
Gunst/ehre/glück vnd geld vergeht/vergeht/vergeht:
der Mensch/der als ein bild des höchsten zierlich stehet/
vergeht dem leibe nach. Die Väter sind dahten/
vnd wir/wir werden auch nur diese strasse ziehn.
Wol dem der seelig stirbt; denn der hat vberwunden/
vnd dort sein Vaterland im himmel schon gefunden.

Von
CHRYSOSTOM. SCHULZ,
Leorin. Siles.



Ut poterant, HADAMERIADEN, dum degeret orbe,
Oppida certabant demeruisse tria.
BERLINUM genuit, BUDISSA eduxit, at urbis
Jus BRESLA, & thalamum præbuit, & tumultum.
Jam reliqvas urbes, meritorum nomine, BRESLÆ
Pænè videbatur vincere pulcer honos.
Ecce tibi, * BELOS quæ nomenclata Pelasgis,
Urbs superis inter sidera floret agris:
Illa, inquam, quæ mortali regione profecto
Ætheris obtulerat civica jura Viro:
Si meriti spectentur, ait, duramina, quovis
Judice, debetur jure mihi omne decus.
Quicquid erat, quod MARCHIA, quodq; LUSATIA tellus,
SLESIAcumq; solum contulit, omne fuit.
Quos PARADISIACIS semel acceptavit in oris,
Jam nunc ELYSII mens HADAMERIADÆ:
NATALESq; novi, VITÆq; atq; URBIS honores
Angelicæ, cœli perpete lege manent.

* Βαλδὸς Ἐλλήνων τὸν οὐρανὸν ἐστὶν Ἐὰν ἕνεκα τούτου τοῦ ὀνόματος τῆς
ἑκείνης πόλεως, ὡς ἐκ τῶν ὀνομάτων τῶν πόλεων τῶν ἐπισημίων,
ἐπισημίων ἀποκρίθη τῶν ἐπισημίων.

Inventionem ante annos paulo
minus duodecim, in Epithalamio ex-
orsam, in Epicedio detexens,
Memoriæ Integerrimi Viri, optimiq; Civis

1. m. q; dabam,
M. ELIAS MAJOR P. L. C.
Gymnasii Vratislaviensis Elisabetani
Rector & Professor, cæterarumq;
ibidem Scholarum Inspector.

Ille Budislinâ formatus civis ab urbe,
 Organon & Breslæ nobile Mercurii,
 Hæc situs est HADAMAR crudopreceptus in ævo;
 O desiderium curaq; magna Suis!
 Nam Socru fuerat privata Coniuge charo,
 Præsidium Viduæ grande, nitensq; decus.
 Ac robusta suæ dulcis tutela Maritæ,
 Pignoris unius firma columna sui.
 En nunc præsidio Socrus viduata benigno,
 Et sine tutelâ pressa Marita foret:
 Filia parva Patris firmâ foret orba columnâ,
 Et Schroëera domus lubrica, nuda basi:
 Ni Socru pridem-viduæ, viduæq; Maritæ,
 Et tutela foret, præsidiumq; DEUS:
 Filiolæq; orbe ceu firmâ, Patre, columnâ,
 Nunc suffulta foret cura paterna DEI.

Collugens F.

CHRISTOPH. COLERUS.

Vertentis anni cardines Patulcius
 Nuper reclusit aureos,
 Mactantq; votis hæctenus se mutuo
 Amiculi solennibus,
 Beatitatis apprecati copiam
 A Rege magno coelitur.
 Nec te minus frequens saluator bonis
 Excepit usq; vocibus,
 O Hadamere, cum videret Mercuri
 Obire nuper te forum,

En ut

En ut repentè, quam vovebat vox pia
 Felicitatem indeptus es,
 Exemptus orbe, civis ætheris novus.
 Non hoc, opinor, plurium
 Preces volebant splendida, qui termino
 Beatitudinem brevi
 Claudunt, nec ultra vota mundi publica
 Promittere audent pectora,
 Sed tu salutem præ caducis coelicam
 Remis petebas concitis.
 Hunc ergo portum nunc beatitudinis
 Coeli colonus occupas,
 Et vanitatem vanitatum despicias,
 Quæ distinet mortalia.
 Quid pulcrius reciproco suspirio
 Pius precabitur pio,
 Æternitatis quam futuram gloriam?
 Nam cur moretur fors vaga
 Mentem sacratam siderum choragio?
 Cur fluxa captemus bona?
 Inferre coelo vota debet Spiritus,
 Deduxit unde originem.

*Ex tempore, sed ex animo
 condolens, inter occupationes
 profundebam.*


M. JOHANNES SECHNER.

Nondum integra suis exacta est hebdomas horis,
 Dum me Olfena jubet littera flere socrum.

Socrum,

Socrum, Langorum quæ Nata Sororq; duorum,
 Candidulis rumor quos vehit almus equis.
 Olsniaci Genitor pars princeps quippè Senatus
 Direxit populum non sine laude suum.
 At major cultura tulit super æthera Fratrem,
 Ut quoq; Principibus carus abinde Viris.
 Namq; Podibraicæ stirpis cordata propago
 Hunc à Consiliis iussit adesse suis.
 Nec satis, ipsa etiam Romani Cæsaris aula
 Audiit orantem hunc obstupuitq; Virum.
 Et Pallatinis FERDINANDI adscribere Confis,
 Non sine consilio iudicioq;, jubet.
 Hanc igitur lacrumis prætristi funere mersam
 LANGIADEM Pietas me decorare jubet.
 At veluti Pietas illic, sic præcipit isthinc
 Conditio humana flere Hadameriaden.
 Hei mihi quàm clari Subolem magniq; Parentis!
 Quàm docti Fratrem Fratris & ingenui!
 Tu testis Lusata satis Budisla locuples,
 Hæc quia cuncta Tibi cognita rumor ait.
 Sed quod & ipse suo se Patre & Fratre probavit
 Dignum, tu testis, nostra Budorgis, eris.
 Usq; adeo nec Roma fugat, nec nobile Tibur
 Fata, sed urna capax nomina quæq; movet.
 Interposita fletus

οὐρανός
 JOHANNES GEBHARDUS
 Gymnas. Elisab. Frat. Collega.



Æterni

Æterni Patris Suboles ab utroq; Parente
 Quæritur, heu! tres non absq; dolore dies:
 Inventus sacrâ Solymorum in sede, Parentes
 Instruit afflictos exhilaratq; suos.
 CHRISTUM Hadameriades tristi quæsit in orbe:
 Cœlica cernendum hunc præbet ei Solyma,
 Æterno fruitur penes hunc solamine, & inter.
 Æthereos laudem cantat ei socios.

apponeb.
 CASPARUS Hoffmann
 Gymn. Elisab. Collega.



Faint, illegible text, possibly bleed-through from the reverse side of the page.

